



金石文叢稿本

尾張

十一

特別
子10
4622
11

3



千10
4622
H



尾張名所圖會卷六ノ四十五丁

知多郡柿並村大御堂寺鐘銘

建長二年十一月十九日大工藤原光延勸進沙彌

心因



尾張

尾張名所圖會卷五 五十五

尾張笠寺村笠覆寺鐘銘

尾張國星前笠覆寺建長三年辛亥五月廿
三日阿願拜

集古十種鐘銘部卷五十三丁

尾張一宮真墨田神社鐘銘

奉造^{一行}欽勝^{二行}軍救世付傳尊造者三成立日心^{四行}五明能^{五行}
化七日成^{五行}弘安辛未十月日

弘安至十年丁亥而盡。其間無辛未。疑是四年辛巳耶。或六年癸未耶。明治六年九月廿日記誠

著作堂一夕話卷一 十五

江州西念寺鐘

晨鐘響遠振十方界夕梵聲廣度三有際三
寶久住四生俱利天下泰平海內安全

大工藤原□安

建武二年三月二日

大檀那 道譽

住持比丘冷海

此鐘今八尾張甚目寺ニ有ル由ナリ 入道道譽ハ佐ノ末成賴
ヨリ五代源三秀義六世ノ孫ニメ事迹太平記ニエタリ

不忍文庫金石銘類

尾張一宮牛頭天王金鼓銘

牛頭天王御寶前奉懸打金事檀那圓
道太郎貞光大工中島八郎友重康安
元年五月一日

尾張中島郡妙興寺大應國師塔銘

勅謚圓通大應國師塔銘

大日本國關東道相州巨福山建長興國禪寺勅謚
圓通大應國師塔銘有序

杭州路中天竺天曆萬壽永祚禪寺住持廷俊撰

慶元路金鵝山真相禪寺住持沙門釋密詣書

資善大夫江浙等處行中書省左承周伯琦篆

圓悟之道支而為二一為大慧果一為帝丘隆隆三

傳而為松源岳岳一傳而為運庵岩再傳而為虛堂

愚得虛堂之傳而在日東者建長禪寺圓通大應國

師也。國師諱紹明，字南浦，駿州安部縣人。出藤氏，幼事本州建德寺淨辯師，學出世法。年十五，薙髮受具戒。往依建長蒲溪隆公。正元間航海至宋，徧參知識。廬山愚公主淨慈門庭高俊，學者望崖而却。師往禮謁，堂曰：古帆未掛，旼如付師。云：雖螟眼裏五須弥，堂云：掛後如何。師云：黃河向北流。堂云：未有更道。師云：某甲恁麼和尚，又作麼生。堂曰：黃河向北流。師云：和尚莫瞞人。每堂云：忝堂去久而令典賓客，日夕咨扣。一日使善画者寫堂壽像，請贊堂掇筆，昏曰：紹既明白語不失宗，手頭簸弄金圈栗蓬，大唐國裏無人會。

又却葉流過海東，改咸淳。元之夏六月也。是年妹八月，堂奉詔遷徑山，俾師與俱。師益策勵，一夕於靜定中起大悟，呈偈曰：忽然心境共忘，大地山河透脫機。法王法身全体現，此人相對不相知。堂巡寮報衆曰：這漢忝禪大徹矣，自是一衆改觀。咸淳三年秋，師辭歸日本，堂贈以偈曰：敲磬門庭細揣摩，路頭益處再經過。明、說與廬山叟，東海兒孫日轉多。復偈其後曰：明知客自癸明後，欲告歸日本尋照知客。通首座源長老聚頭語，說峯會裏家私。袖帑求法語，老僧今年八十三。無力思量一偈賤行，万里水程以。

道珙衛既歸當本國文永四年也建長蘭溪即向典
藏教事拂提唱有十載中華歷徧歸未將佛法掛屑
皮無端今夜始開口鏡樹生花正是此之語文永七
年妹從西都出世築州之與福禪寺遂以嗣法昏并
入院語因曇侍者呈徑山堂得之大喜謂衆曰吾道
東矣其為堂器重如此又明年移太宰府之崇福居
三十三年參徒日盛嘉元甲辰奉 詔入京師 太
上皇召對宮掖問答稱旨特差住持輦下萬壽禪寺
址貴遊問答者車馬日駢集又以東山故邸與造嘉元
禪利延師為第一祖德治丁未奉旨赴關東留正觀

寺而相州太守平崇演請師即署所演法復敷奏請
主巨福山建長與國禪寺明年春 太上皇降手詔
存問恩禮優至當八寺之夕小參有曰今年臘月廿
九日未無所來明年臘月廿九日去無所去衆驚訝
莫諭其意明年當延慶戊申臘月廿九日忽示微疾
至二鼓手昏偈曰呵風罵雨佛祖不知一機督轉以
電犹遲昏畢跏趺而逝世壽七十有四坐六十夏所
度弟子宗雲宗意等十有餘人嗣其法而分居列刹
者與聖忠崇福運南禪卓南禪圓萬壽禪建仁然崇
福一萬壽心崇福超崇福津聖福胤建長什崇福竟

龍翔友等若干人奉勅開維獲設利無算事聞皇
上哀慕不已勅謚圓通大應國師仍勅建寺西
京額曰龍翔塔骨石舍利于寺之後山塔曰普光菴
曰祥雲弟子在建長者奉舍利葬之塔曰大源弟子
在崇福者奉舍利建塔菴曰瑞雲他日火及半天忽
雨雪火遂滅求所藏舍利塔夫所在門人方憂駭至
夜半岩阿發光迹之得焉遠近尤異之至聖廿五年
夏四月以立省吾持其師住築州安國山聖福禪寺
塔國師之門人宗規所撰行狀未微言銘師之狀惟法
道之在天下無間乎海之內外也日東諸國佛僧尤

為蕃盛若圓通大應國師之名震海國道契主上
致祭之歸如水赴壑既窈尤看靈異殆古佛馳願轂
而來昭其化也是宜銘曰
大荒之內東海東鮫濤上典銀漢通別有天地用鴻
蒙君臣禮樂諸夏同世代綿歷無終窮故宋太宗歆
淳風尤能傾誠克覺雄金銀高張袂梵宮抑有耆碩
居其中宣爾雜還未象龍圓通大應國宗工佩昆盧
印開旨聳卓行懿德荷淵衷竅錫異敷禮益隆所至
擊鼓橫撞鐘天人圍繞華雨濛龍伯鼉鼉蚊鼉充啟
覺茫蠢起凡庸剋期溘化示有終獸龜躑躅滄無送

火餘設利光瞳、海天不夜貫長虹、窳堵昂峙海上
峯山君川后謹堂封、虛堂之道先禪業、豈惟國師
厥躬南山哉、石可攻勒之于以昭玄功、百世過者
宣肅恭

年月日

法孫比丘 立

羣書一覽卷二 百二十九

大應國師塔銘 一帖

尾張國中島郡妙興寺小あす所の塔銘有り。建
長寺の大應國師諱ハ紹明字々南浦駿州安倍
縣の人有り。隸額小曰く勅謚圓通大應國師
塔銘以上十字六行小書也。塔銘のけいめい曰
く大日本関東道相州巨福山延長奥國禪寺教謚
圓通大應國師塔銘有序。杭州路中天竺天曆萬寺
永祚禪寺住持延俊撰慶元路金鷲山真相禪寺

住持沙門釋密詢書資善大夫江浙等處行中
書省左承周伯琦篆の摹刻本漢文の跋小曰く
大應國師の塔銘本州中島郡妙興寺に在る者
蓋元人の刻を所よりは師歿を時其徒
走く碑銘を元朝の賢豪に乞ひ凡三度海を
航しつゝこれを得て歸るを以て去年余漁子聞
と往く師の塔を拜しをぬら合掌讚護し
曰く四絶の觀二つ亦三つ佛を學ぶ者々法
燈の高きと仰き文を好むとの銘字の美と玩

い士君子々々好まら外國の人の我大邦を欽する
あは愛を其のねあるもの總く是師徳高く高
隱禪師と謀り模刻し布施を寛政己未秦
島織源達書中島淋刻

尾張名所圖會後篇卷一三十一

尾張中島郡妙興寺鐘銘

尾張國中島郡長島山妙興報恩禪寺大鐘願主比丘尼祥符施參佰貫文鑄之矣永和第二丙辰大工羽黑新兵衛尉開基比丘宗興住持比丘善一

同天祥菴鐘款

有銘

亨德二稔龍集癸酉孟秋日守塔比丘德吾誌焉

長尾山東界寺古鰐口銘

長尾山鎮守鐘一口、願主藤魚行影、謹為祈禱奉鑄、
應永十年癸未六月大吉日敬白、大工助宗、

尾張名所圖會卷二十丁

名護屋蛭屋町覺鳳寺寶篋印塔銘

謹奉造立寶篋印塔應永十一甲申二月十五日願
主得阿弥陀佛教白

尾張名所圖會卷三ノ七丁

名護屋押切町白山権現社鰯口銘

正長二年九月九日

尾張名所圖會後編卷四六丁

春日井郡瀨戶村深川神社鐘銘

娑婆世界南瞻部洲大日本國尾張山田郡內瀨戶
村伊勢天照大神白山妙理權現八王子鐘也願以
此功德普及於一切我等衆生皆共成佛道永享
十年戊午十一月吉日大檀那瑞竜集博願主敬白

尾張名所圖會卷二十六丁

護学山清水寺鰐口銘

在名護屋小櫻町伏見町東

三河國比志賀郡若宮社鰐口一面宝徳四年壬申

六月願主貞圓

明倫堂藏書

龜岳山萬松寺鐘銘

在名護屋裏門前町

美濃國各務郡弓削田庄佐良木郷長塚宮推鐘檀
那薄田源左衛門藤原祐貞慈能入道祢宣藤原兼
光大工兵衛太郎藤原友次結衆五十四人文明七

年乙未十一月十八日

尾州春日井郡高田寺鐘比良佐、下野守藤原貞
則久地野伊泉入道赤地新右衛門吉久大永五年
乙酉十二月廿日筆者明真

尾州那古野庄龜岳山萬松寺第四世住持比良大
宗播老拙寄附烏天正歲念丙戌仲春殊如意日

尾張名所圖會卷七ノ卅四

海東郡砂子村自性院鰐口銘

尾州海東郡富田庄成願寺鰐口也、大檀那川崎右
京亮通貞妻文明十八年丙午十一月十三日、

甚目寺鰐口銘

尾州甚目寺御寶前遍總雅則退善也聖泉園大檀
那飯野左近藏人定道明應八乙未年八月吉日大
工藤原宗次

其二

奉寄進尾張國甚目寺觀音大工西金屋刑部大夫
文明十一年七月十八日願主妙椿道栄

尾張名所圖會卷五 七

尾張常泉寺村妙行寺鯨口銘

大永五年乙酉歲法華堂大法寺常什

尾張名所圖會卷一丁廿五丁

名護屋龜尾天王社拜殿鰐口文

元龜元年八月廿四日

同所本地堂鰐口文

大永八年戊子正月日鑄之

熱田神宮寺鐘銘

元龜三年十一月鑄云

熱田神宮寺本願慶林慶春檀那尾州春日井郡山
田庄上田住人吉田共左衛門云々

同鰐口銘

大日本國尾州愛智郡熱田神宮寺本宮田秦傾倒
之期辱右大臣豐臣秀賴公再與旃慶長十一丙午
元九月吉祥日片桐東市正旦兄奉之

龜井山圓福寺鰯口銘

慶長十一年再興神宮寺宝塔

背文

正徳元年以代金求之

尾張名所圖會卷三三十五丁曰(熱田ノ條)神宮寺多宝塔跡 今ノ不動堂其古跡ナリ、享祿ノ官圖ニ見エタリ、此塔、鰯口、今龜井山圓福寺ニアリテ、本堂(神宮寺)ノ鰯口ト同シク、慶長十一云々ノ文字見エ、裏ニ正徳云々ノ彫付タリ云々

裁断橋銘

熱田宮裁断橋右檀那意趣者堀尾金助公去天正十八年六月十八日於相州小田原陣中逝去其法名号逸岩世俊禅定門也慈母哀憐餘修造此橋以充世三年忌普同供養之儀矣

又

せん志名十八橋に二月十八日に於てけし人の法ごんありとせん助と申十八よりたごまをたごせしより又ふまめともんすのなましあまりのにけしけしとけし事とるのまよいらくともなりきせんしやうふくし後

いつぐんせいふんごの後の世のみのちまてけりまつけをえ
る人念佛の中たうく世三年のくやん

尾張名所圖会卷四十八丁志保之利

熱田湊常夜燈

尾張国吾湯市郡

件燈者、為使往來之船有便于夜渡也、是即依于亡
父成瀬隼人正藤原正成遺命而正房所營建也、并
寄五十畝之田地於太子堂、以為膏油之資矣、所冀
至于千萬歲無斷絶矣、銘曰
挑一點燈、致萬人利、北斗南針、却在第二、
寛永二乙丑歲臘月十七日

洛下杏菴正意謹誌之

尾陽城下鐘銘并叙

於乎擊鼓以警晨昏鳴鐘以紀子午乃古今之通典也辛丑之春邦君出命新制一鼓揭諸黉門而準挈壺之職每時擊之靡有差謬然尚恐不達遐方重命有司鑄鑄洪鐘懸諸市街之正中而主時候之數於是鐘鼓俱鳴而後昼夜之道如示於掌羣僚得是成官私之務黎民得是修利養之業所謂聲音之道與政通者其斯之謂歟敷于一時以垂于萬世鴻勳之盛不可勝紀焉因奉公命謹勒文狀乎銑間且作之銘銘曰

筍簾瀏澆授貳四民洪音徧播城市鄉鄰錫文思武
知人感神邦君偉績千歲無涇
萬治四稔辛丑春三月穀旦

詞臣永菴小出立庭誓首謹撰

府下鑄匠水野太郎左衛門藤原則重

題重鑄分時鐘刻古銘後

自在昔我先君敝置景鐘于管神叢祠之南報貳庸
民奮庸熙載以未仰其賢享其利者既百有餘歲阜
阜之政百姓日用而不自知也寶曆癸未十月六日
叢祠罹濫災之殃縣鐘俱焚頓為烏有人咸始知景

為欠夏於是邦君允重民夏乃命鳧氏改鑄以脫鑪
翼然鈎之懸陰陽相燮無滯無散侈弁克諧不窳不
擻鏗鞀橫武昭嗣徽音以暢達于四境矣其聲嘽以
緩安以樂闔國能者訥然相慶曰禹声文声孰先
孰後終日竟夕民之攸暨也邦君悅焉蓋徵角之律
相得者此謂先民之憂而憂後民之樂而樂也臣安
負奉命欽紀所以紹復丕績之由而鳴休祐於億齡
踵奮文之武以不贅銘辭于此者然
明和改元甲申冬十二月 須賀安貞楷首識

鳧氏則重世孫水野太郎左衛門藤原孝政

尾州聖德寺鐘銘叙

在名護屋七間町通袋町下

尾陽聖德寺者親鸞聖人之高弟開善師始肇基於
 濃州繼遷尾州旋復歸卓錫於濃州最後改卓於今
 護屋蓋十七傳於茲矣頃丁灰劫之變賴衆檀力不
 日化宇重新鐘簾再整鏗然闌闔之中四境特以昏
 曉焉其十七傳之法孫諱顯應者與余為方外友乞
 余俗諦一言而銘之為鯨音和願凡鄙曷克此命雖
 然方外良交不敢以凡鄙辭謹布教言以答其意而
 永揚善師之声教云銘曰

聖德肇興善師開宗立法闡化權輿美濃法無常住

護屋是營、運丁灰劫、再新琳宮、琳宮司漏、多乳鳴銅、
警醒旦暮、震覺昏蒙、百千萬劫、聖德善功、
昔寬文貳年壬寅季春上浣三日

大明帟林戴髮倍子陳元贊 竦息撰

鳧工 水野藤原政長

明治十八年九月廿三日寫

尾張名所圖會後編卷六ノ三十七丁下

丹羽郡小折村富士塚碑銘文 林學士

天地者生之本也、先祖者類之本也、孝子慈孫不可
不知其本也、尾張國士生駒主計利勝為其祖、建碑
于小折村富士塚、而欲著其功、述其慶、揚其名、聊記
履歷、以請詞于余、余感其不忘本之志也、其家傳曰、
在昔忠仁公建山莊于和州生駒鄉、而其末流生、
居焉、遂以生駒為氏也、其後裔移居尾州、領小折村、
左京進生駒家廣者、利勝六世之祖也、文明年中、頗
有聲聞、其次加賀守豐政、其次藏人家宗、其次八右
衛門尉家長、相繼為國士、右大臣織田信長、家宗

生發世

之女生二男一女其長則秋田城守信忠其次則内
大臣信雄也其女嫁出崎三郎源信康由是信長於
家長而眷遇不謗天正十二年信雄與相國豊臣秀
吉有隙信雄通志於東照大神君設軍夏神君入尾
州屯兵于小牧山與信雄共赴小折村到家長宅耽
家長承信雄之命守勢州長鳴城嫡子因幡守利豊
年幼庶兄右近善長在家拜迎之世以為榮神君自
小折村登富士塚察視敵境而歸小牧遂成和議同
十八年信雄左遷家長而身老閑居利豊應秀吉之
命仕関白豊臣秀次叙從五品慶長五年関原之役

利豊属左衛門大夫福島正則自獲首級同年神君
一統園國貴胤從三位薩摩守源公領尾張國利豊
亦依命属從之其後及從二位大納言源教公封于
尾州利豊優仕厚遇采封如故利勝者乃其子也今
黄門正三位襲封之後特選利勝為令嗣從三位中
將之傳其世系如此其更實如此古曰祖考之嘉名
美譽亦子孫之冕服墻宇也利勝嚮無祖先之餘慶
則豈得今日之庇蔭哉今無奉先之孝則世之更業
不垂於不朽也可謂遐遠繼志者也嗚呼百行皆有
本也本立而枝繁葉密犹於後昆有所期祝焉詞既

成且係之以銘銘曰
小折之村陟彼高丘富士不遠累々塚幽松林接影
未曾入眸西顧淡海東指冬州爰問絕景犹記昔遊
藤懸岩存李白憩休蛮国服信以祀武侯矧又此境
神君停輶風拂旌旗日照戈矛耀榮一收流譽千姝
天和二年壬戌二月上旬

東武州學整宇主人林蕙直民誌

明治十六年九月十八日寫

尾張名所圖會後編卷三六十九

小牧山碑

夫小牧山者東照神君之古戰場也初豐臣秀吉與
織田信雄有隙天正十二稔甲申春三月率十萬衆
入尾州欲擊信雄當是時其父信長臣皆屬秀吉信
雄在清洲城請援兵於神君因信長舊交許之自將
兵八千而援信雄先據小牧山拒之陣營嚴整秀吉
不能前退屯樂田曠日相持於此秀吉謀密令池田
勝入替諸軍襲三州岬寄其兵凡三萬神君聽之留
酒井忠次石川數正等以衆三千為先鋒躡敵陣之
迹擊之而逞兵三千夜潛與信雄出小牧山從間道

進軍至長久寺矣。時勝入等聽後軍之狼狽而旋旆，
神君揚旌旗于高陽，出其不意，勝入等倉惶成列，與
森長可戮力奮戰。神君之兵膽氣奮發，挫銳折剛，連
勝遂長可指揮士卒欲衝其右軍而出，其後神君之
兵攬覺放烏銃，勢如雨雹，立擊長可，墜馬伏尸。其兵
士崩，勝入軍不利，衆大潰。而父子投首，諸軍遁走。一
戰而斬首萬餘級。神君須臾振旅，與信雄入小幡，凱
旋小牧山。翌日，秀吉驚兩將之出軍，馳至龜泉寺，而
勝入等已敗歟矣。秀吉大怒，將攻小幡，衆辟易莫肯
從焉。秀吉自作威日，詰朝擊之，乃止。既而聽神君之

舉錯拊手歎息，以為文武兼備之良將也。班師於樂
田，遂引兵退于濃州。伏惟自古受命創業之君，其大
義大勇，必有見稱于天下者。漢光武濟昆陽而敢殺
百萬之王尉，唐太宗叱柝壁而追破精銳之宋金剛，
是也。夫秀吉者，不啻出之驍將也。攀其麟者，羆之徒
也。神君視之如草芥，故以少兵接信雄于危難，殪勝
入等於一戰，而卻秀吉之大軍矣。其大義大勇，遠賢
於漢唐之英主。天下稱之曰：殆天授非人力也。而後
受命創業克寬爰啟，萬有千歲之洪基，聖子神孫，繩
繩綿綿，乃統麟趾之化矣。于嗟夫神哉，方今尾州太

守中納言定三位源綱誠公者神君之曾孫也南面
之暇亟望小牧山城之北三里惟本邦之勝區也
頗思神君之功烈而不已今歲元祿十一稔戊寅冬
十一月樹碑於此地畧叙其畋以傳萬代其繼述之
志不偉哉詩曰駿惠我文王曾孫萬之太守之謂也
臣健拜首而承嚴命記之且獻銘曰

巍然名山上直下豐蓬島揚波膽吹擊空維邦藩屏
蜀險秦潼赴武夫桓英雄威起疾雷氣吐長虹
良平失策晉楚折衝三軍手裏百萬胸中勝入投首
栢秀古卻衆昆陽推勇相壁讓功仁懷豺虎義制蛟龍

惟非人力乃代天工歷世具瞻子秦于嵩殷周垂統
魯衛守封親賢樂利遺澤流風神君之德帝出于震
大勳什一鐫傳無究

元祿十一年戊寅冬十一月日

尾陽詞臣并河子健百拜記

明治十八年九月廿日午後昏寫

尾張名所圖會後編卷三 世一丁才

織田丹波守平常寬公碑

在春日井郡中小田井村東雲寺

銘曰

祖桓武帝家系緝光義氣霜冷功名春昌行操聿思
覆蔭不忘偕以行慶誰維相當築城巖壻卜宅地康
七萬餘日二千歷陽風旛月燭夕膳晨香田井林麓
東雲寶坊噫神格矣可敬可惶琢石之德山高水長

三任妙心現任政秀泰寧山叟銘焉

夫以織田丹波守平常寬公者其先出自桓武天皇
而十八代津田織田元祖三郎權大夫親真之末裔
也汗馬之功出羣拔萃築城於尾州春日井郡小田

井庄領下四郡。且相攸于茲。創菴光山東雲禪刹。為香火之地。請妙心大猷慈濟禪師為開山始祖。永正三丙寅七月十四日卒。謚東雲寺殿前丹別太守。開巖化元大居士矣。此知於世出世法。不偏不倚。常而克已。寬則得衆矣。厥嫡子織田藤左衛門寬故。繼父遺德。而住小田井城。厥嫡子織田藤左衛門寬維。長大之後。讓小田井城。徙濃州大垣城。于天文十一年寅年。齋藤氏圍大垣城。其急難。遠達于小田井。速策馬來。敗敵軍。戰死其處。謚實相院。繇是父寬故。復歸城。小田井。同十九庚戌二月七日卒。謚金菴院矣。

二男織田又六郎信張。寬維戰死之後。為曩祖丹波守四代孫。而下知尾別下四郡。住小田井城矣。信長公當世之後。從之。敗諸國軍。元龜元年。信長公與淺井長政。朝倉義景。挑戰之。敗於江州。相戰。坂田掃部三井出羽守等。討取四百餘。此賞於江州。賜莊園。天正乙亥。補和泉國守護職。是皆從連年勲功賞也。信長公棄執奪之費。為秀吉公。成囚人。被預淺野氏。天正十五正月。蒙免除。入洛。于貳。娶于疾病。為保養。以淺野氏。賜米二十依。同九月二日。於大津卒。謚青菴院。于貳。秀吉公。以那須氏。賜賻銀百枚也。厥嫡子織

田又六郎信政、父信張從泉州之後、住小田井城、天
正二甲戌九月、於長嶋討死、謚雲頂院、于政郎從山
端右京進、富田後改尾堀昌倫等戰同死矣、厥嫡子織
田竹千代信氏、為小田井城主、早世、謚瑞光院矣、二
男織田帛千代忠辰、為祖父信張之家督、從泉州也、
忠辰於信忠卿前元服、賜忠字并長光刀也、因信氏
早世、復為小田井城主、信長公弒亡之後、配流羽州、
至文祿三年、免許、拜采地、任秀吉秀賴二君、慶長十
九年、於京都卒、謚景德院、于政秀賴公母儀、以湯淺
氏賜賻銀百枚也、其嫡子津田左馬助知信、有故自

是改津田、慶長年中、十四歲而拜仕大樹幕下、於濃
州二箇所采地拜之、後奉仕尾湯太守、秩拜千石、正
保年中卒、謚本知院、略下
寶永二歲次乙酉七月十四日

東雲主盟

盤首座募化

尾張名所圖會後篇卷二十七下

起川石燈銘

龍草廬

中山之道三野之陸有水名澳自彼咀溪渺乎如練
不辨渚涯絡繹行客舟楫以濟它山之石作燈一基
載削載磨置諸厥湄以便秣往爛兮耿兮冀斯通津
俾人弗迷哿哉德光長亡滅期
明和庚寅夏日

明治六年九月廿日午前寫

尾張名所圖會卷一ノ世七丁

田中道麻呂碑

聞て来り見ん人志ぬ毎を
家のところこれ
はしけやしみぬの國人を
み乃榛の木あせを

木居宣長

於此集多々
此寺のち日年
此寺の
此寺の

其沒天文癸丑二百五十年或曰比干剖心史魚置
屍烈矣而豈若我中務君克格君心功及天下者哉
又况其子弟亦皆忠勇而監物汎秀弱冠將援軍戰
歿於箕形原不忝爾父祖乎是宣百世榮而其無後
於今也其謂之何曰是未有顯者也豈必為無之哉
抑彼蒼有所待而然耶不絕善類天之道也乃相
與立石於志賀宅址勒以此言以告後人又使秦鼎
作銘銘曰
白虹貫大白蝕精忠之書我沒何而索哉

明治八年九月十九日寫

細井平洲先生舊里碑

知多南臨乎蒼海平洲之山鬱然西北人過而望之
則指以相語曰是細井先生幼所與羣兒戲其下處
也入其里則曰是其所嬉陳俎豆處也是其所讀書
處也蓋先生家世以田為業至先生每學有遠志年
十六始遊京師則以英妙稱于王公如長崎則西土
賢豪倒屣而迎之及居東都德以年進名典道高權
禁執贄以進修其身者相繼于門矣於是先君明公
召為侍讀令督國學政歲餘累進班列新番帥上賜
祿四百石邦人皆曰楚人用楚材矣既謝督學復侍

講筵於東都邨中。卒以易筭。華淺艸天岳院。年七十
四。實享和辛酉六月廿九日也。夫先生悅焉孜孜。老
不歸隱。豈伊不歎息于二疎。豈伊不永懷于故丘。任
重道遠。未如修進之人何也已矣。先生歿七年。學士
大夫子弟習於先生者。相共歎曰。知多海濱也。平洲
僻邑也。而挺生若人。豈不奇哉。山以仙名。水以龍靈。
盍亦樹石其地。以詔後世乎。皆曰然。若夫先生汪汪
德量。行有典檢。學達時務。雅範髦士。師賓諸侯。遠其
邦。必聞其政。事業較著。詳未澤侯所撰墓碑。故今唯
叙所以建之者如此。嗚呼。神之洋洋。必頌舊里。先生

姓紀諱德民。字世馨。別號平洲。父樂翁居士。娶竹內
氏。生二子。先生其次子。銘曰。
混々靈泉。其源何在。觀仁之里。無不自勵。嗟昔先生。
携家東。今也邑人。追思無窮。

尾張名所圖會卷六 丁七十一

細井平洲

知多郡平島村の人なり、先生姓々紀、名々徳民、字は丑馨、如來山人と号し、甚三郎と稱す、元當村農家の産を於々、若年より學志有りて、府下遊び、中西漢洞の門に入る、後諸國を經歷し、長寄に足をも先て學業大成る、後江戸に出る、遂に一家庭起し、平洲先生と号す、諸侯の禮聘頻りに、雖もこれに應せし、安永の末、我公召され、遂に福位を給ふ、國枝乃智學、終る、著書もまると

明治十五年八月十日

頗多し先生の如きは、實に畫錦の榮を擅し、
云々、又近き頃、大町叢書中、乃十駕齋が養新
餘録に、先生の夏を載せ、きれを、彼土まで、其名
の聞えし、あと知べし、先生の碑を、當村天神山、
建し、ハ、出生乃地、ふる、因れり、碑文長けり、
小池、

尾張名家誌卷下 四丁

細井徳民、字世馨、號平洲、或稱如來山人、通稱甚三
郎、智多郡平嶋村人也、其先出于紀長谷雄、長谷雄
孫雄文、隱于河内細井郷、子孫因氏焉、二十世至岑
克、徙于參河岑、克生克成、克成仕今川氏、克成孫雄
貞、仕神祖、後退隱于平島村、以耕桑為業、雄貞玄孫
正、長生二子、伯正、方季、即平洲也、生而凝篤、異于羣
兒、比十歲、志氣高邁、恒每誦昏、至十二三歲、經史邦
乘、略已涉獵、親族謀欲為僧、若醫、平洲不肯、年十六
遊京、留一年、遍訪名家、無違意者、遂回郷、當斯暇中

西泠淵方唱古學平洲往見之犬服其德遂師夏焉
既而遊長崎明年十八主小河仲粟友飛鳥子靜俱
結兄弟之交日夜研精講業居三年聞母疾即日東
故飯則母已死平洲悲悼嘔血臥病歲餘先是泠淵
徙居江戶平洲乃往從之遂家焉泠淵既沒平洲與
秋山玉山瀧鶴臺洪井太室南宮大湫等結交切磋
經業以誘掖後進為己任聲名藉藉著聞海內紀香
巖公敗為西條侯首延為賓師其他列侯貴族修贄
者月繁安永康子明公始召見聽講大嗟賞之命為
侍讀禮遇殊渥於是大與明倫堂以平洲為督學乃

拱舉一國耆儒及弟子教人以文學職學政大振天
明丙午二月始行釋菜使平洲為祭酒寬政庠成兼
世子侍讀壬子以老辭督學優命許之侍讀如故為
人風格清貴威儀可仰其接人溫恭居家安靜未嘗
疾言遽色每誦昏少焉則沈思語門人曰學思相須
先聖之教也平生每稱人美聞惡則不言諸生有過
必從容諷諭以使其悔悟其學尤長政夏諸侯延受
業者必問以政然其所為謀終身箝口不言往復之
昏不存橐故人莫知其詳者享和辛酉六月二十九
日歿于江戶享年七十四葬于淺草天岳院所著有

詩經古傳詩經大訓詩經小訓詩經夷考毛鄭同異
考嚶鳴館詩文集小語遊松島記猷芥錄野芥改大
躰花木花小島苦屋

尾張名國會卷五

桶陝吊古碑

秦滄浪 名昂

登高魚眇遠慨歎興敗于前跡何國幾有余獨悲此
桶峽云記曰永祿三年今川侯西征五月十九日陣
桶峽山北織田公以奇兵襲之今川侯義元滅夫駿
河強國也方其國霸相模甲斐請以賦從尾張人亦
往送款於是大舉入尾張攻鷲津丸根拔之曰明
旦屠清洲而朝食衆皆賀置酒軍中會黑雲起西北
風而暴發敵入鼓聲亦從背震皆不意其猝至中軍
大亂格鬪死者二千五百餘人矣自足利氏失鹿四
海戰場大內以侈亡武田以暴滅而未有若此一戰

而跌者也。勝敗如此，誰知其極。但勝之不可保，矧可
驕哉。悲也。夫雖然，或聞軍敗，自先鋒還闕，與卒二百
人皆死，或守孤城不克，請主尸而歸。若斯類者，累世
所養，豈不皆忠烈哉。藉使後人有庸主之材，外結強
援，內用若士，師徒雖虧，駿河遠江之地尚全。猶且以
向西報伐也。游蕩忘讎，卒以播遷。悠悠蒼天，此何人
哉。今生平世，眇歎前跡，跡已歷二百年，敗雖邈
乎，事猶昨也。則後人吊之，亦猶今爾。則是千萬世亦
何有極。請建碑以記之。銘曰：
三軍覆野，荒孰孤傷。建方碑，酌古邨。來吊

之千萬劫。亂之思治，已值今取。治不忘亂，視舊跡碑。
文化十三年己巳夏五月

尾張儒官秦鼎撰
大坂天滿中西融書

碑陰記

此碑也。豐長輩有所感而建之。碑文所載先鋒還闕
在他人，猶且扼腕。況於豐長輩乎。觀其故而吊古，矚
其蹟而慘目。是情何歇。故願不使前跡徒益也。後來
有懷舊君子，與我同志，亦將有感于茲。秦士鉉作銘。
中西仲長書之。皆我尾張國臣也。

津島神主永室豊長建

加藤肥後侯舊里碑

方織豊二公起我尾張也國內熊希之士會風雲者
盛哉時乎時則有若藤侯以豊公邑子結髮從軍最
稱忠勇從擊越師先登賜爵邑號主計頭公欲征韓
唯侯可以任焉封諸熊本使將前軍於是擣慶尚道
陷之取王京窮追王子于咸鏡北道俘之進伐女直
燒其城襲臨津破安康晉川未下侯造龜甲車衝之
斬首六萬明救軍十餘萬圍我師于蔚山侯以兵五
萬入守夾擊大破之侯所至數人必駭奪曰鬼將軍
未矣侯思諸俘其放還之泣謝且誓曰侯慈如佛若

負之者不復為人矣石西二奸構侯於公公怒或勸
與石和不然必斃杜郵侯曰吾豈交權奸者哉吾死
耳卒以誠忠解公薨石作亂諸藩黨之海西大擾侯
獨為東都攻降諸城亂平即封肥後初侯與豐公生
愛智郡中邑公定山東還侯自熊本邀之岬崎曰公
威今加海內請歸故鄉是畫錦也又遣人與金邑人
供具公過與父老置酒極驩而去後侯每朝東都亦
必過見邑人老者則曰是某之父耶子弟無恙幼者
則曰是某之子耶父兄無恙蓋自侯為神今已二百
年矣故略記邑老所傳勒之片石然竟不若口碑也

穆或曰侯方諸閔壯繆何如曰閔通春秋侯每論語皆
古之英賢也銘曰熱田西門鎮皇映霞維侯所修國
城五層金鱗躍雪維侯所功嗟侯之忠大造于父母
之邦哉

碑陰記

尾張儒臣秦昂撰

侯幼孤年五歲依豐公子長濱已長屢大功天正十
六年封食熊本廿五萬石慶長五年石賊滅賜益封
數十萬石定食東肥七十餘萬石侯諱清正蓋藤魚
平公之裔也其家中邑在父祖貽云以永祿五年六
月廿四日生慶長十六年六月廿四日卒橫行三韓

前後七年，禹興邑人謀勒碑文，常滑松本三綱捐貲買石，且曰：維侯忠勇，善善惡惡，礪礪落落，如揭日月，行神威萬古，在顏豈不盛乎？皆曰：俞。文化庚午冬十月日。

丹羽勗書

河內孫右刻

尾張名所圖會後編卷四四十九才

春日井郡山口川龍淵摩崖碑

龍淵躍龍，龍今何遷，萬古蒼々，但有龍淵。

三稿先生愛龍淵勝景，嘗謂廣居源備曰：不得題詩，龍淵曠余常憾之。無幾先生物故，至今二十餘年，廣居尾頭備追先生之志，就岩以八分書題詩。友人蕙樓逸老恩田仲仕書其事云：文化十年，竟次癸酉，首夏八日。

水野士惇君治水碑

愛智春日井郡中有二川其源一出濃州土岐郡是
為勝川一出參州加茂郡是為矢田川二水會為莊
內川其川梁回庄內而故于海明和四年丁亥七月
沛雨傾盆水潦衍溢猿投山谷口崩騰愛智春日井
二郡水災最甚屋宇漂流人馬陷溺而後砂礫羅敷
隄防屢決壞安永八年己亥八月水潦復至衆民昏
墊明公改命駕視民疾苦而深憂之使參政人見弥
右衛門小野齋子魚度支長水野十之右衛門源允
士惇專掌治水於是士惇君首謀其夏精覈水行水

良邑大蒲沿羣邨之潑會合于此因以其治為施功
之載天明四年甲辰鑿沿南味銳堤就其隈腹築五
分石堰自比良村距海東郡複津村之間別疏鑿一
巨川號新川以殺莊內川水勢亦後勝川潦踰堤五
分則其潦溢石堰經大蒲沿入新川勝川水潦頓減
其半往昔五條川水歷八屋村會莊內川故其潦沂
五條川害海東郡於是塞八屋派口會五條川水于
新川又塞莊內川口于中湏村乃屬二川至下一色
村南莊內川新川二派總隔一隈雙滙于海而群村
悉免災三十六年予每巡視典老里正仰士惇君治

水之功且嘆歷星霜之久少壯者今習安居而無知
免災之由今茲君八十有六庶民逾頌其德且祝君
之壽考乞立碑以傳後世子謂後漢董詡除湏昌令
多異政人為生立碑今追其故吏不為僭矣當為君
勒碑使民不忘其惠澤夫子魚君舉士惇君使君專
掌治水又使造肺令武藤加六藤原直達為副量水
利相與戮力土功遂成焉君獨保眉壽至于今比年
蒙恩華夏續益彰庶其名與石不朽是以立碑比良
隈上作頌其辭曰
赫矣二賢寔天所啟為爪為牙維國之體允文允武

維治之祗吁士惇君水工濟、銘心禹貢委質張州
辟商羊害救昏墊憂慕若父母望邇等儔不拘小節
寬大壯優陞大司農逾夏治水修築河渠撫恤邑里
老安散官講武卓尔遂以奮功息光倍獲底平治績
立奠居基民承惠澤感星霜移厥功其壽典頌共嬉
丕、懿德永在生碑

文政二年己卯十一月

張藩大代官樋口又兵衛中原每古謹誌

伊藤民卿碑

大槻磐溪

兩村山在尾張州東境香桂村望之隱然蓋諸山之
小者然名既見於延喜式和名鈔等之書則其為東
海名蹟舊矣而友人伊藤民卿實始產於其麓云余
嘗西游登茲山古道一帶長松落落而登臨之觀流
峙之美甲於閩州焉其東北連山迤邐層嵐疊翠杳
乎不知其所窮而信之御嶽矗立雲際蒼翠摩天西
則豁然開朗熱田之灣海波洋洋風帆浪舶出沒乎
淡煙杳靄之間若夫俛仰左右山川之形勢則快桶
峽之奇捷而悲織田氏之不終欽長湫之義戰以感

國家龍興之所由。而今日泰平。吾輩優游著書區區
事業。雖曰託立言於不朽。然百載之後。其湮滅無聞
亦未可知矣。於是慨然發峴山羊叔子之嘆。低徊顧
望久之。遂為民卿叙其平生曰。民卿名逸彥。稱民之
輔。每愛茲山佳勝。自號兩村樵史。考平左衛門諱久
永妣石田氏。其先遠州橫須賀人。覺兵衛。任荒尾城
主池田信輝君子孫。今尚藉因幡藩。覺兵衛三子。覺
左衛門當寬永正保之際。開墾新田。來移於沓挂。是
為民卿始祖。爾來為里正者六世。至民卿其名特顯
云。民卿幼好學。從永井星渚學。星渚學出於南郭服

氏。民卿因專用力古書。業大進。年二十二。負笈來江
都。與余同學於昌平坂國庠。曾家兄某有故。不能繼
父業。促民卿歸鄉。及父沒。民卿遂歸。管里正之職。天
保三年。藩嘉其勤勞。許稱姓氏。九年。許雙刀。十三年。
藩大夫高木氏。以文學薦之。傳相成瀨君。民卿以幹
家無人。辭而不就。及刈谷城主土井侯延。民卿而聽
講經。欲致廩米若干口。民卿謝曰。某既辭於成瀨君。
今豈可負我。侯聞之。益重其節。禮待有加焉。嘉永二
年。民卿年五十四。以病辭職。藩允之。仍優以里老。民
卿妻邨瀨氏無子。美濃之竹鼻村服部宜雅之女為

子其姪孫女也。因納中根氏次子順藏為壻。改業為醫。從是民卿專業教授。誘掖訓導。循循有法。遠近來學者數十百人。鄉塾之盛。近郡無比。所著有羣雄割據錄七卷。芳野紀行。南郡游記。詩文集若干卷。其他左國老莊諸考。未脫稿者尚多。嗚乎。民卿之自善善人如此。所謂鄉先生沒而可祭於社者。將在此人。則門人等欲及其存而立石於兩村山。以勒德業。其亦古人生祠之意也歟。乃係以歌曰。

茲山之常在兮。何昔人之不可見。撫大同之古像兮。慨千秋之世變。

二山

年有古佛

遭昭代之文明兮。與大道

之有聞。樂人才之教育兮。蕪富貴於浮雲。於戲先生德業之遠兮。後人將有感乎斯文。

清洲城墟碑

齋藤拙堂

当室町氏之末。羣雄割據。四海昂沸。人民不聊。生織田右府。從一小侯起。謀經營天下。虽志業不終。而麾下。有豐太閤。因其成規。遂混一東西。昭代繼之。其定。叛乱。遂致太平。至今殆三百年。薄海無風塵之警。可謂無前大勳矣。而右府實為之唱。其功亦不小也。蓋。霸王之功。虽須人力。其創業開基。亦不可不藉地勢。故右府之舉兵。首挾清洲。平定國內。威聲始震。東伐。西征。所向有功。遂遷於美濃。徙於安土。其業始大。雄視天下。以立後來混一之基。然則清洲之地。比之蜀。

漢之襄陽李唐之太原誰謂不可也。且此地之為名勝也亦尚矣。神鳳鈔記清洲御厨。古今六帖咏清洲田鶴及斯波氏以呈利親族為本國守護。始城於此。扼東道咽喉。既為重鎮。所以右府因之也。其後豐家以三哥秀次福島正則鎮之。非親戚則勲舊。迄至昭代亦封懿親大藩。莫居於此。皆以其為要地也。但地臨大川。屢被水害。慶長末。訖移其樓閣門廡於名古屋。更增築之。金城煥然。四隣瞻仰。而此墟荒蕪。僅存二松樹。無過而問者矣。馭長林某意甚憾之。以為霸業開創之地。不當如此。謀欲建碑墟上。以昭示於世。

介人來請文於余。余以為林氏之意欲審故存舊。亦聞屬闡幽之舉。其請不可拒。乃據圖誌詳書其由。參以私見。以為記繫以銘曰。人代既改。城郭亦墟。身霸之地。委為荒蕪。青田皎鶴。來視為何如。唯兩松樹。昔人所餘。英魂彷彿。或未猗歎。松乎其友。鶴乎其徒。

文久二年歲次壬戌夏五月

伊勢

拙堂隱士齋藤謙撰

半谷庵野田可復書

尾張名所圖會後編卷三 六丁

清洲古城跡

清洲五條川ノ西畔ニ在テ古松樹數株残り三重堀ノ跡僅ニ存セリ元其境地甚廣大ナリシヲ年田ニ鋤キ畠ニ墾テ今ノ如クナレリ去バ天守臺ヲ始メ諸門殿宇官舎土居等ノ名四方遠近ノ字ニ残レリ当城ハ慶長年中名古屋一移シ玉ヒシ古跡ナレハ尋常ノ城跡トハ違ヒテ當所ノ林惣兵衛櫛田漁兵衛ノ二人ハ城跡守リテ命シ玉ヘリ云々當所ノ城址ハ歴然ト残リタレ其由

来ヲ記シ、碑銘及城主ノ碑石等ヲ建ル莫モ無
リシヲ、近キ頃当所ノ武田某志ヲ與シ、古城ノ遺
石ヲモテ、右大臣織田信長古城跡ト刻シテ之ヲ
建又同所ノ林某伊勢ノ拙堂翁ニ銘ヲ乞テ、銘文
ノ碑ヲ造立セシヨリ、旅人杖ヲ留メテ其舊蹟ヲ
賞讚セリ、又碑銘及ヒ古瓦ノ石摺ハ、林氏ヨリ出
ス

愛知縣上中殉難調書

佐藤九郎三郎墓碑銘

畠田冽

君諱宣準、字某、称九郎三郎、静齋其號、本藩熱田殿
番淺野高成之三男、農政廳属吏、佐藤宣敬、養為嗣、
為人純質率直、至與人論国躰、貶議不少、合、拂然
拂衣去、不少貸也、明治戊辰、朝廷命各藩東征、本藩
国老千賀信立將兵若干而往、宣準撰為正氣隊軍
監、閏四月廿六日、遇賊於越後雪嶺、擊大敗之、宣準
尤力戰、所齎彈藥殆尽、五月三日、進到鴻巣村、賊營
于片貝村、相去半里程、遷於路傍森鬱中、防戰、兵凡
三百有餘、銃丸兩注、取我兵為先鋒、兵僅十七八名、

後隊未屬且戰且退宣準奮勵力戰遂中銃丸而斃
片年三十六軍中咸惜之收葬之於片貝村淨照寺因
君賞其勞賜執謁之班推恩其孤宣和年甫三歲除
小監察資格准士族賜祿十二石俸三口越明年已
巳五月築壇於城東演武場以祭藩士東征戰歿之
靈禮像整肅宣準靈位在其第二次後復營一祠於
愛智郡川名村以合祀之建豐碑于其側以表曰哀
些忠勇戰死之碑嗚呼宣準死有餘榮於是乎可謂
無憾矣妻小澤氏生二子一男先死次即宣和稱俊
次郎小澤氏泣告曰君此行也謂曰我不復生還我

死之日汝其請我友毋田冽銘刻石于先塋之側今
也果為遺命君其銘焉予無辭以拒之銘曰墜身王
夏誰不謂命傳名萬世可謂壽盛何必吾銘子道自
歲

明治三年庚午正月

名古屋藩毋田冽撰

毅堂丙集文稿二 才十七

留見墓誌

驚津毅堂

戊辰之春正月，母川田氏舉汝纔數日，予故自西京居
廵半年，應徵再入京，明年己巳之春三月，扈東征，路次乞
服，故家汝能匍匐，喃喃學語，視予為外人，啼泣不止，留
三日，乃祭。八月，赴任登米縣，一家東西相隔二千餘里，
汝以今茲庚午六月廿五日殤，計以八月十四日至，嗟
乎汝生不記予面，死不接予夢，雖以王亥無鹽，抑亦情
之所鍾，不堪骨肉睽離之感也。書以誌予哀。

土方橋碑

佐藤牧山名楚材

浪越、五方雜處、萬貨之所湊、仕官雄俊之所驅馳、紅
 塵滾、撲地、其中、央九軌之塗、曰廣路、其溝、東接縣
 治、西達堀川、舊架以板橋、今茲明治之十年、縣罷落
 成之、閱月、官將改為石橋、淨念教寺、土方君慶遠、聞
 之、慨然曰、吾生父充蓮光寺寶池仙老、欲造之也、久矣、
 嘗謂余曰、吾始祖以來、法燈繼、不絕、以至今日、原
 其所由、亦皇恩之所致、余欲建石橋一基、以致涓埃
 之誠、乃未果而沒、在苒光陰、已經三載、吾其可不承
 先人之志乎、於是上疏、請以私財造之、并以其氏名

槁稱土方官准之數月槁成賞賜銀杯一具君屬余
記其顛末余以謂上古制字各有意義如槁梁字俱
从木其始蓋以木造之然本邦上古之制姑置之考
之異邦之典爾雅曰隄謂之梁說者或曰石槁也子
輿氏之昏曰歲十一月徒杜成說者又曰石槁也然
則以石造之亦尚矣意其田野澮瀆之間特取其堅
重不漂也其施之通邑大都車徒輦互之地則又資
其不朽夫木有皆而朽土有皆而圯唯石可以歷久
於是乎利物之用可謂廣矣嗚呼利物者仁之施也
繼志者孝之至也世稱士君子者當財力充盈侈而

溢銷磨滌蕩於無用之地而於仁民之義孝親之道
或闕焉不問今君乃釋門之人也獨能不吝費不辭
勞普其仁以與民利益其孝以承親志其仁其孝並
垂千古豈不杰偉乎土方氏出於源滿仲滿仲九世
孫源秀治隱大和土方鄉因氏為土方訓比知加多
子孫住尾十世祖慶惠入釋門為真宗寺舊與今廣
路朝日祠同在清洲城北朝日村號朝日山慶長中
東照公屢臨云後移城之日徙今東櫻街

東海栗山君墓表

佐藤牧山 名楚村

天之於美質何生之寡而壞之特速也栗山天民釋氏也係真宗奉大法主命布教支那嘗贈昏於父兄曰吾將普弘我宗教於四百餘州尋及泰西萬國又曰幸值五洲比鄰之日躬詣天竺訪靈山拜耆闍大會遺跡豈非人生一大快事哉余聞而壯其志又報余曰世以公夏往海外者概支給優裕如我釋門矣得比之雖然一絲半錢皆信者之膏血也吾豈易視之哉余誦之不觉淚下私自謂范、天下享俸給者何限豈不亦人民之膏血乎嗟誰作斯念者其在支

明治十八年七月十七日寫

那教他自修刻苦異常卒以此殞命悲夫君名覺字
天民一字東海稱還成尾張丹羽勝栗人父曰行成
母大池氏兄曰專成承後現住持徒法寺皆以樸實
聞君以安政元年十月生幼奇穎蔚然異於侪輩塾
師稱其聰敏明治四年得度五年入西京貫練場究
望仙乘六年未入我塾修漢學靜嘿勤勉危坐琅誦往
往徹曉不睡又與同學諸子結社相砥礪講習余為
名曰渾沌社欲其繼武寬政諸彦也後改曰吹萬社
七年往東京補教職詭昏於淺草文庫明年歸國重
來我塾九年春余使君與服士辰注沈氏八家本韓

柳文君分任韓文二閱月而竣四月再入貫練場
會本山公建本願寺於支那九月特選派遣上海既
而君喜報余曰支那之俗上下尊信佛法平常莫不
持念珠者於弘我宗教易耳然上海偏方非往
國不可明年十月移北京寓法源寺所謂憫忠寺也
十一年十月先是余聞其患咳北地苦寒切勸其東
返至是得請十五日癸北京十九日航到天津略立
汲行年二十有五葬上海墓域蓋不用荼毗法云大
法主賜卹典若干金於家君傾而長器度端重而立
心高明迥異於衆與余文昏往復月不下二三四上

下古今論必闕世道未嘗一語及私雖家昏亦然其
光於至誠非強飾可知平生嗜詩古文余恒言詩有
聲律可據文則無之宜經支那人閱過君以為然及
之支那喜謂必得良師友故於上海師孫藹人任鈞
溪於北京師李藝閣是以相別三數年文詞精練超
詣驚人其在支那是跡所至考古驗今有詩及記並
足可傳南遊松江拜孔夫子廟觀祭祀低回不能去
作舞樂圖以寄示余蓋八月份舞云歷覽金剛經塔與
聖寺禪定寺玉岳閣登余山觀天主堂喟然大息賦
五言古風一篇後又北遊萬里長城拾八達岑石以

贈余勝以萬里長城石歌經湯山過蘆溝橋渡易水
登黃金臺思古之人不可見慨然賦七言古風三十
韻時余方編輯清朝史略而新昏未我邦極寡君視
其可者以郵寄之淘金入冶終得就緒實賴君將伯
之力而其言曰不須餽金余亦將有所託購兩相交
換可也若夫贏餘不足不必枚耳其廩於財而萬
于交誼多類此最後余贈甘雨亭叢書一部未達而
君沒余哭之以詩有句曰斷腸徒掛徐君墓一部叢
書甘雨亭蓋紀實也嗚呼以余無似無能為老而不
死斯人而止於斯天道果是耶非耶所著八家本韓

文注已放行詩文集三卷一卷佚上卷孫謫人任鈞
溪下卷李藝閣評點游記二卷其他國史注若干卷
支那語三卷未脫稿

明治八年七月十六日午後寫

名護屋城紀念碑記

石鏡柵內右側碑高三尺八寸

客歲西南之役。名古屋鎮臺步兵第六聯隊將校及
士卒戰死者若干人於是有司將校及士卒協議建紀念碑一基。今茲戊寅十月已得官准
經營設築之際。會天皇巡幸駐蹕於名古屋。臨御鎮
臺。天覽垂問。司令長官正四位勲二等行陸軍少將
四條隆謨具聞奏。天皇追懷當時。憫其忠。賜金若干
以助其舉。且諭落成之日。宜上圖及碑文。恭惟天皇
深仁殊澤。恩及枯骨。意九泉之下。猶生之榮。臣左馬
太感泣之餘。代將校等謹記顛末。以傳無窮。嗚呼。百
廿之下。讀者不慨然興感而不奮發憤之志者。匪人

也矣。

明治十一年十一月

步兵第六聯隊長陸軍大佐正六位勲四等佐久間左馬大謹識

同 鐫 柵 內 左 側 碑
石 高 五 尺 八 寸

西鄉隆盛樹叛旗鹿兒島也。逞兵三萬。勢頗猖獗。首據田原。植木之天嶮。張重圍于熊本城。帝規耽。有席卷九州。荐食上國之志。天下不逞之徒。亦窺其鼻息。竊送款聚眾者。遠近相望。方此時。若使官軍有小蹉跌。則天下之大勢。殆有不可計者矣。幸而官軍之將士忠奮勇敢。激戰于劍華電閃之間。苦鬪于彈丸

賊

兩注之際。陸則挫田原。植木之堅壘。海則擣鹿兒島之根據。或扼其喉。或拊其背。遂得與熊本通一條之血路。於是乎賊之敗兆既顯矣。然而賊尚猖獗。更據人吉。隱見出沒于竹田。于臼杵。遂退而守延岳。十敗不屈。慄悍能戰。發馬之所過。暴戾殘虐。老弱顛乎溝壑。丁壯流離乎四方。兵燹之所及。家屋灰燼。野無青草。其酸毒爾太甚矣。然官軍將校之智。士卒之勇。應變造機。首尾相援。錦旗所嚮。連戰皆捷。賊軍策盡謀窮。終窟蹙于城山之一隅。以九月廿四日。賊巢覆滅。魁首伏誅矣。夫此役也。起于明治十年二月。經八

兩誌

閱月之久。漸奏蕩平之功。使明治維新之盛業。益鞏固其根基者。則雖繫聖朝之威武。而非由將校之智略。與士卒之勇敢。收其全勝。安能得如此乎。武頃者。名古屋鎮臺有志之將校士卒。相謀建碑于本成之南郭。勒其功勳。永為當年之紀念。此役也。管民之殉。爾數百人。嗚呼悲哉。終不自揆。聊陳鄙言。以謀其不朽云。

明治十一年十一月

愛知縣令從五位安場保和謹撰併書

牧山樓文鈔卷下二十九

神墨梅雪先生碑

佐藤牧山 名楚材

浪越城東北二里。遷迤而隆。導於一方者。曰龍泉寺。山有石高數尺者。神墨梅雪先生之碑也。先生尾張隱君子也。名辰。字士龍。稱半平。梅雪其號。又號莘陽。本姓大伴。後改源姓。富永氏。後改長深。後又改神墨。伊勢長深城主富永富春公之裔。駒塚石河侯世臣。富永春利之次子。母近藤氏。住城北田幡村。後移居小幡山中。名其居曰經德堂。又曰兵性堂。蓋取楠公遺訓。兵性四武之語云。先生天資夙直。耿介不為利回。不為威屈。門人知友之外。絕不相接。杜門詭昏。自

六經三史及老莊仙乘至於稗官野乘近人雜書靡
所不涉而其學主王陽明之默坐凝思以蘄自信晚
喜陳龍川之風屢稱之又善楠公兵法受之田中宣
亮嘗造居室摸八陣法卒異之後著八陣圖衍義一
百卷自言孔子感麟而作春秋余平素欲著茲者偶
感春雷肇大震而起筆尤珍秘自署曰宇宙間第一
畢矣昏蓋其軍生精神專注茲昏可知矣二十九卷已
完可傳餘未脫橐先生志節凜然尤重名分大義雖
屏迹山中憂世之念發於至誠居常自謂身雖微賤
溯其源道臣命之裔也嚮當霸治之日長劍圓笠昔

往來山中西望慨然歎皇威之不振而東顧或惜蝦
夷之不沾王化藩侯屢召之辭不出明治十二年五
月三日沒行年六十有四終身不嫁無子先生於世
無他嗜好獨遇酒輒陶然酣暢益醉人知其如此携
酒訪之且酌且話但一語不及朝局平生不問生計
夏一葛冬一裘四壁蕭然先生處之夷然親戚門人
繼粟及其易簣僅餘糧一合初自擇北城於山中乃
葬其地門人相興建石表墓別刻碑於龍泉寺以謀
不朽以其嘗寓居詭仙集之地也所著八陣圖行象
二十九卷隨筆名昌平珠林者三十卷尾張古今人

物誌四卷、雜史箋注四卷、田端志二卷、藏之、熱田神
庫、經德堂誌四卷、藏於富永氏

明治六年七月七日寫

尾張名所圖會卷五 三十七

尾張岩作村安昌寺首塚碑詩

福宮親茂

富

泥牛爭角化城海、木馬飛光旋火輪、試問蘭臺
麟閣品、髑髏眼上惹瞋顰



